

profil KUMPULAN PENGURUSAN



1	2
3	4

1. Anuar Mohd Hassan
2. Norazman Hashim
3. Ahkter Abdul Manan
4. Azlan A. Azizee

Operasi harian MNRB diamanahkan kepada Presiden & Ketua Pegawai Eksekutif Kumpulan, **ANUAR MOHD HASSAN** yang dibantu oleh kakitangan pengurusan kanan yang berwibawa seperti berikut:

NORAZMAN HASHIM

Norazman Hashim ialah Naib Presiden Eksekutif & Ketua Pegawai Kewangan Kumpulan/Setiausaha Syarikat MNRB Holdings Berhad. Beliau memperoleh ijazah Sarjana Pentadbiran Perniagaan daripada Cranfield School of Management, United Kingdom pada 1990. Beliau juga merupakan ahli fellow Association of Chartered Certified Accountants, United Kingdom dan ahli Institut Akauntan Malaysia. Beliau menyertai Malaysian National Reinsurance Berhad pada 1985 dan dilantik sebagai Pengawal Kewangan dan Setiausaha Syarikat pada 1994. Seterusnya beliau ditukarkan ke Malaysian Re pada 1 April 2005 dan dinaikkan pangkat sebagai Pengurus Besar menerajui Bahagian Perkhidmatan Korporat yang terdiri daripada Jabatan Pentadbiran, Undang-Undang & Kesetiausahaan, Komunikasi Korporat, Pengurusan Modal Manusia dan Kewangan pada Jun 2005.

Beliau ditukarkan ke MNRB Holdings Berhad dan menyandang jawatan sekarang pada 1 April 2008. Beliau juga merupakan Pengarah MMIP Services Sdn. Bhd., Pengarah Silih Ganti kepada Anuar Mohd Hassan dalam Lembaga Pengarah Labuan Reinsurance (L) Ltd. dan Setiausaha Syarikat Malaysian Reinsurance Berhad, MNRB Retakaful Berhad, Malaysian Re (Dubai) Ltd. dan Takaful Ikhlas Sdn. Bhd.

AHKTER ABDUL MANAN

Ahkter Abdul Manan ialah Naib Presiden Kanan & Ketua Pegawai Pelaburan Kumpulan MNRB Holdings Berhad. Beliau berkelulusan Ijazah Sarjana Muda Sains Sosial (Kepujian) pengkhususan Pengurusan daripada Universiti Sains Malaysia. Beliau bertanggungjawab ke atas keseluruhan bahagian pelaburan dan hartanah Kumpulan MNRB. Beliau memulakan kerjaya di Jabatan Pelaburan dan Sekuriti (IVS) Malaysian International Merchant Bankers Berhad (MIMB) pada 1987 sebagai Penganalisis Pelaburan. Pada 1991, beliau dinaikkan pangkat kepada Pengurus, Ketua IVS dan pada 1995 kepada Penolong Pengurus Besar.

Beliau kemudian dinaikkan pangkat kepada Pengurus Besar IVS pada 1997 dan dipinjamkan kepada MIDF Aberdeen Asset Management Sdn. Bhd. (MIDF Aberdeen), yang ditubuhkan oleh beliau pada 1998. Pada 1 Januari 2001, beliau dilantik sebagai Ketua Pegawai Eksekutif dan Pengarah Eksekutif MIDF Aberdeen.

Beliau menyertai Asia Unit Trust Berhad (AUTB) pada 1 September 2004 sebagai Ketua Pegawai Eksekutif berikutan pemindahan perniagaan MIDF Aberdeen kepada Amanah SSCM Asset Management Berhad. Beliau menamatkan perkhidmatan di AUTB pada 16 Julai 2007 dan menyertai MNRB pada 17 Julai 2007. Secara keseluruhan, Ahkter telah membawa bersamanya pengalaman selama lebih 20 tahun dalam industri pengurusan dana.

AZLAN A. AZIZEE

Azlan A. Azizee ialah Naib Presiden Kanan & Ketua Pegawai Maklumat Kumpulan yang menerajui Jabatan Informasi Teknologi Maklumat. Beliau memperoleh ijazah Sarjana Muda Sains dalam Sains Komputer daripada University of Wisconsin, Green Bay, Amerika Syarikat dan Ijazah Sarjana Sains dalam Sistem Teknologi Maklumat daripada George Washington University, Washington D.C., Amerika Syarikat. Beliau menyertai Malaysian National Reinsurance Berhad pada 1987 dan dinaikkan pangkat sebagai Penolong Pengurus Besar pada 1994. Beliau ditukarkan ke Malaysian Re pada 1 April 2005 dan ke MNRB Holdings Berhad pada 1 April 2008 dengan menyandang jawatan sekarang.



profil **kumpulan pengurusan**

- 5. Ahmad Ruhaizad Hashim
- 6. Mohamad Nor Abas
- 7. Syahrul Imran Mahadzir
- 8. Romie Khalid

5	6
7	8



AHMAD RUHAIZAD HASHIM

Ahmad Ruhaizad Hashim ialah Naib Presiden Kanan dan Ketua Pegawai Strategi Kumpulan MNRB Holdings Berhad. Beliau menamatkan pengajian Sarjana Muda Ekonomi dan Perakaunan daripada University of Leeds, England pada 1990. Beliau merupakan ahli Malaysian Institute of Certified Public Accountants (MICPA) sejak 1995 dan juga merupakan ahli Institut Akauntan Malaysia.

Beliau mempunyai lebih daripada 17 tahun pengalaman dalam bidang pengurusan korporat dan perkhidmatan rundingan. Kerjaya beliau bermula pada tahun 1991 apabila menyertai Arthur Andersen sebagai Penolong Audit. Beliau pernah berkhidmat dengan Arthur Andersen selama lebih lima tahun dan terlibat dalam tugas pengauditan dan khidmat nasihat pelanggan dalam sektor kewangan, perkilangan, telekomunikasi, kerajaan, minyak & gas dan perdagangan. Beliau menamatkan perkhidmatan di Arthur Andersen pada 1996 untuk menyertai KUB Malaysia Berhad yang pada masa itu sedang dalam proses penyenaian di Bursa Malaysia. Pada 1999, beliau kembali menyertai Arthur Andersen untuk mengetuai operasi cawangan Kuala Terengganu. Pada 2002, beliau memegang tanggungjawab baru di Putrajaya Holdings Sdn. Bhd., pemaju utama Pusat Pentadbiran Kerajaan, Putrajaya. Beliau merupakan ketua Jabatan Perancangan Korporat dan turut memainkan peranan penting dalam perundingan konsesi dengan Kerajaan serta langkah pengumpulan dana untuk Syarikat berkenaan. Beliau menyertai MNRB Holdings Berhad pada 2 Januari 2008.



MOHAMAD NOR ABAS

Mohamad Nor Abas, adalah Naib Presiden Kanan & Ketua Jabatan Pengurusan Modal Manusia bagi MNRB Holdings Berhad. Beliau memperolehi kedua-dua Ijazah Sarjana dan Sarjana Muda dalam Pentadbiran Perniagaan daripada Ohio University, Amerika Syarikat. Beliau turut mempunyai Sijil Pengurusan Personel daripada Institut Pengurusan Personel Malaysia (MIPM), dan telah menjadi pengamal Sumber Manusia selama lebih 20 tahun dalam industri logistik dan perbankan sebelum menyertai MNRB pada 16 April 2007. Beliau bertanggungjawab dalam pengurusan dan operasi Pengurusan Modal Manusia Kumpulan MNRB.

SYAHRUL IMRAN MAHADZIR

Syahrul Imran Mahadzir ialah Naib Presiden dan Pegawai Pengurusan Risiko & Pematuhan Kumpulan MNRB Holdings Berhad. Beliau menamatkan pengajian Sarjana Sains Aktuari daripada Heriot-Watt University, Edinburgh, Scotland pada 2003. Beliau juga merupakan ahli bersekutu Association of Chartered Certified Accountants (ACCA), United Kingdom. Sebelum dilantik ke jawatan sekarang, beliau telah berkhidmat di



Bank Negara Malaysia selama 9 tahun – bermula di Jabatan Penguatkuasaan Peraturan Insurans dan kemudiannya ke Jabatan Dasar Kewangan Kehematan. Beliau menyertai MNRB Holdings Berhad pada 2 Julai 2007.

ROMIE KHALID

Romie Khalid ialah Naib Presiden & Ketua Juruaudit Dalaman Kumpulan MNRB Holdings Berhad. Beliau memperolehi Ijazah Sarjana Muda Sains (Ekonomi), pengkhususan dalam Perakaunan & Kewangan daripada London School of Economics & Political Science pada 1996. Beliau memulakan kerjaya sebagai juruaudit dengan Arthur Andersen pada 1997 di mana beliau berkhidmat di kumpulan perkhidmatan kewangan di bahagian audit. Pada 2003, beliau menyertai Malaysian National Reinsurance Berhad sebagai Eksekutif di Jabatan Kewangan. Beliau kemudian ditukarkan ke Jabatan Pengurusan Risiko pada 2004 dan memegang peranan sebagai Pegawai Pengurusan Risiko (RMO) dan ke Malaysian Re pada 1 April 2005 untuk berkhidmat sebagai RMO di Malaysian Re. Selepas itu, pada 1 Ogos 2007, beliau dipindahkan kembali ke MNRB di mana beliau menyandang jawatan sekarang.